

靈邱邑誌序



天下郡邑皆有誌書上備
朝廷採風下徵方輿土俗實
爲政治風化所關聲名文
物所係殆不可一日缺畧
者也况當

岳序一

聖天子崇尚禮教稽古右文
之時纂修會典一統志諸
書繪畫各省邊腹輿圖在
內命元老詞臣總裁纂輯

在外命通達典五道府閩
歷訊訪凡城池之廣狹沿
華山川之向背源流景物
之幽奇名勝傳細繪圖奏
呈

書序二

御覽誠重之也靈邑雖邊鄙

亦歸然一邑于山有太白
覺山之高于水有澹河之
大且長于人物有武靈存
孝之雄奇瑰異于職秩則

令佐諭導副鎮分守備其
官于紳士則科名國學鄉
舉里選隆其典于徭賦則
丁糧課稅軍伍餉籍備其
額忠孝節義代不乏人名

岳序三

賢勝蹟隨地皆有乃誌書
則缺焉無聞其何以稽古
証今徵文考獻以存一邑
之典故耶興言及此良可
喟也古誌散帙無存宋令

廣搜博采哀集成編付之
削刷板復旋失僅存李明
經家抄本上下兩帙紀載
間有差謬文字率多亥豕
承訛襲舛殆非一日宏譽

岳序四

自受事茲土下車卽從吏
徵邑誌蔑有輒慨焉欲圖
修輯轉瞬六載以來未嘗
須臾忘此也邑故少鏤刻
匠藝走他處鳩工又苦力

不瞻遷延久之然見義不
爲當仁而讓竊恐後之視
今亦猶今之視昔其爲廢
墜更可勝道哉甲子夏適
梓人陳奎甫與予有鄉里

岳序五

之舊從長安來遂留之檢
閱舊本刪其蕪雜十之一
增加訂正十之三分別註
明以備參考定爲四卷詮
次畢付梓凡五閱月事竣

使數十年淹沒無傳一旦
燦然觀覽極知固陋有鄙
增損甲乙無足重輕亦以
職在長吏分所當爲不敢
不盡心力爲之六載以來

岳序六

未嘗須臾忘者幸告厥成
云爾

皆

康熙二十二年歲次甲子
季秋月之吉

賜進士出身文林郎知靈丘

縣事毘陵岳宏譽題



岳序七

靈丘邑誌序

國家幅幘廣狹代有侈儉山川風俗則雖一邑一區不無殊異其地之典冊事故亦不容以僻壤概置勿傳張茂先號稱博雅取裁宏而及物遠故所成書發千古未有之秘

宋序一

郭景純注山海經奇異爲見聞所不及剝絕今昔要皆與郡邑之誌無關焉今天下郡邑之有書其上備採風而下徵土俗實爲

昭代致治之所係殆不可一日缺畧無聞者風固陋素與山水狎每踪

跡所至見一丘一壑必從而與
老輩詢所由來或得一名賢聞
逸事竊抗懷嚮往不能置歲甲午
銓任靈邑輒從吏徵邑誌以攷風
咸謂邑自明季數罹兵火鐫本散
軼無存今且廿有餘年矣鳳意邑

宋序二

雖邊僻地不加廣而山川風俗戶
口田賦此則令所宜周知時備大
吏入境之訊詢奈何茫然聽其湮
滅爲因矢志欲纂輯其成值吏事
暇常從故老生儒多所究論遲之
又久卒不得詳且盡也爰購求郡

誌及尹朔野三關誌輿圖水經會
典全史諸書復旁証於蔚渾昌邑
三地舊誌衷遺言采遺事積歲而
成書坐於劊劊力不能舉遂爾寢
閣者逾年會今歲春學使羅公約
齋前曾令邑追憶昔時邑誌失傳

宋序三

久欲修舉而未竟以去茲復得蒞
事斯土遂慨然曰邑誌之不修素
余亦一大欠事矧今任憲綱而明
掌故允惟司文者寔主持之輒下
檄輸金屬鳳董其役此固鳳之素
心而亦有司責也又何敢不加慙

以急翊所舉爰檢向所劘草本備
加叅校中間山川里道之有未悉
事故雅俗之不備不馴概弗敢輕
以臆說亂更遣發四出荒碑斷碣
之餘遠境遺宮之下皆得令提粟
躡磴往而采其遺逸猶恐力有不

宋序四

遠卽一野叟莢人咸與斤斤察問
必求其當而後已因思述與劘事
相殊而難易亦相懸述則篇帙可
稽損益可酌事不慮譌誣而成功
倍捷劘則茫然無所索憑筆墨而
漫疏傳聞異詞保無有襲舛承訛

魯魚亥豕之繆乎是以毫釐千里
爲事倍爲功亦最難故每一落筆
動抱歉此凡於誌中之所載如象
緯躔度山川疆域田賦多寡版籍
登耗以及忠孝節義之事風土人
事之殊必攷訂不憚至再寧簡勿

宋序五

繁寧樸勿飾寧淺近勿深文寧真
確勿夸誕諸具矣而尤於形勝險
扼三致意者蓋邑地與內地不同
則勢之緩急輕重亦不同邑偏處
外邊爲

東師翼衛而又當三關門戶峻隘

天成故審形度勢其某可以宿兵
某可以扼要某可以轉戰堵截制
勝出奇一一悉陳要皆夙以六年
勞定時值凋殘闕荒有出撫流有
出勸畊查豁有出身親履涉經歷
諸險阻退而竊誌之非敢妄自談

宋序六

兵僭效伏波之聚米也至於攬勝
標奇固與性相徵逐而酌古攷今
必準道爲會通聊備邑乘之觀而
已又焉能窺茂先景純兩公涯際
以高一代也哉若夫討事實而讐
校之加修飾以重訂之毋以耳食

貽人齒冷端有望於後之來是士
者肯

順治庚子新秋知靈丘縣事渤海
宋起鳳書於太白署中



宋序七

靈丘縣誌序次

郡邑有成書舊矣而世次湮遙代相興革不數傳必望諸修明者凡以徵一時之信毋貽異日之誣也靈邑最爾墟壤方輿周廣僅二百餘里首誌於篇所以別幾卦之大概也其間隸晉分趙創漢淪金上下千餘年更易迭出而窮鄉下里稱謂有雅俗之殊道路有坦險之別稽沿革攷疆域今昔要害俱瞭然矣靈雖彈丸測於天當昂畢之二垣察乎地據荆馬之諸隘列星野

靈丘縣誌

序次

一

山川而以景物形勝古蹟風俗歲時類序之蓋屬於地者卽通於天縱有人事之微難越天地所包塞也此九則總以方輿統焉繼是而興者則建置次矣大端亦有九焉捍封疆則城池重理民事則公署重風勵教化則坊表學校重下此以達政令以濟行旅驛舖津梁而外祀典陵墓動低徊憑吊之思者非亟亟所宜究心歟聞之國以民爲本民以食爲天田土闢而野無曠夫徭役平而里鮮苛政太平不難立奏已誌食

貨僅以賦役物產盡之者謂邑固瘠土則壤不
過軍需之數粒方供惟有濶沼之一毛爾他無
足錄也序第三卽以秩官乘之其有微意乎地
不限大小得人則治失人則亂吏治關於國計
民生誠重故與民休息教養者令佐學論何一
可少緩歎然無事右文有事用武張弛之道不
容岐視言備禦而參守又一方攸賴焉第四序
秩官旋誌名宦蓋攬其功業治績或生向慕之
心或懷愧耻之念莫謂非懲感之微權也序第

靈丘縣誌

序次

二

五國之大事惟戎第六誌武備而處堂之憂可
免矣按兵籍幾何強弱之勢分按餉籍幾何餒
飽之情見攻守察軍器之利鈍疎密係邊警之
安危有憑險可恃者關塞何在所當修有人謀
不逮者災變無故而迭出附於武備皆凶事也
聖王不諱之邑隸荒邊文教頗不振今日嘆晨
星之寥寥而前此固不乏蔚起者也甲第選舉
忠義節烈以至仕宦名賢方外流寓或出諸寒
賤產於山野男女俱挾間氣以生焉七誌人物

見天之生材原不擇地未可以一隅忽諸若夫
藝文之終第八非徒較氣格之盛衰競聲律之
高下也事有可傳政有足紀爲今創爲後法一
代茂績不容泯泯又焉可盡畧乎誌成而入綱
具目五十有奇其中大概粗舉不無闕遺緣數
十年絕響之書一旦告成旣苦於父老無傳又
病夫經生未核積年苦衷聊備採風觀者其鑒
之

蕙水宋起鳳識

譽按莫爲之前雖美不彰莫爲之後雖善不傳

靈丘縣誌

序次

三

邑誌自明季災祲烽燼以來百年之內墜廢者
多宋令網羅舊聞編次成帙可謂留心博洽矣
惜也已付梓人板復旋失猶幸脫稿尚存使後
之人得以折衷修輯是則其精神文采不肯湮
沒于天壤也然按志較訂今昔異宜損益殊數
物以時遷運隨世變典故名義率多舛謬譽詳
爲考據更正明確十居二三其他悉仍舊本信
以傳信疑以傳疑不敢妄生臆說至于歲序推
移風景遞換聲名文物較與往昔不同蓋宋令